

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, মঙ্গলবার ২২ নভেম্বর ২০১৬, ৮ অগ্রহায়ণ ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। সশস্ত্র বাহিনীকে আওয়ামী লীগ কখনো ক্ষমতা দখলের হাতিয়ার করেনি : প্রধানমন্ত্রী
- ২। যথাযথ মর্যাদায় সশস্ত্র বাহিনী দিবস উদ্ঘাপিত
- ৩। মুক্তিযোদ্ধাদের জন্য সব কিছু করা হবে : প্রধানমন্ত্রী
- ৪। প্রধানমন্ত্রীকে বিশ্ব স্বাস্থ্য সংস্থার মহাপরিচালকের অভিনন্দন
- ৫। সীমান্তে ৮শ' কিমি সড়ক নির্মাণ করবে সেনাবাহিনী : সড়ক পরিবহণ ও সেতুমন্ত্রী
- ৬। বিএনপি চেয়ারপারসন খালেদা জিয়ার প্রস্তাবে ৫ প্রকল্প উত্থাপন তথ্যমন্ত্রীর
- ৭। ঢাকা থেকে দিল্লি-ব্যাঙ্গালুরু-গৌহাটি ফ্লাইট চালুর ওপর গুরুত্বারোপ : বিমানমন্ত্রীর সঙ্গে ভারতীয় হাইকমিশনারের বৈঠক
- ৮। নতুন ৯ ব্যাংককে সতর্ক করল বাংলাদেশ ব্যাংক
- ৯। টেকসই অর্থনৈতিক প্রবৃদ্ধি এবং দারিদ্র্যবিমোচনে
 - ১ হাজার ৩২১ কোটি টাকার ঋণ দিচ্ছে এডিবি
- ১০। শুক্র-শনিবারও আয়কর রিটার্ন জমা দেওয়া যাবে
 - ৩০ নভেম্বর ব্যক্তিশ্রেণি আয়কর রিটার্ন জমার শেষ সময়

১। **সশন্ত বাহিনীকে আওয়ামী লীগ কখনো ক্ষমতা দখলের হাতিয়ার করেনি : প্রধানমন্ত্রী**

প্রধানমন্ত্রী শেখ হাসিনা বলেছেন, আওয়ামী লীগ কখনো সশন্ত বাহিনীকে ক্ষমতা দখলের হাতিয়ার হিসেবে ব্যবহার করেনি। আওয়ামী লীগ সবসময়ই এই বাহিনীকে শক্তিশালী, সুশৃঙ্খল ও ময়াদাপূর্ণ একটি বাহিনী হিসেবে গড়ে তুলতে চেয়েছে। বর্তমানে আধুনিক সমরাত্মে পারদর্শী বাহিনী হিসেবে সশন্ত বাহিনীকে গড়ে তুলতে কাজ করছে সরকার। প্রতিরক্ষার দায়িত্বে নিয়োজিত সশন্ত বাহিনীকে রাষ্ট্রক্ষমতা দখলে ব্যবহার না করার ওপর গুরুত্বারোপ করেন তিনি। গতকাল ২১ নভেম্বর সোমবার সশন্ত বাহিনী দিবস উপলক্ষে ঢাকা সেনানিবাসের সেনাকুণ্ডে আয়োজিত সংবর্ধনা অনুষ্ঠানে বক্তৃতাকালে তিনি এ কথা বলেন। সূত্র-ইত্তেফাক (পৃ.১,ক.৭), জনকর্ত্ত (পৃ.১,ক.২), অবজারভার (পৃ.১,ক.৫), এশিয়ান এজ (পৃ.১,ক.১)।

সংবাদ, ইত্তেফাক, জনকর্ত্ত, ভোরের কাগজসহ অধিকাংশ পত্রিকা এ বিষয়ে ছবিসহ খবর ছেপেছে।

২। **যথাযথ মর্যাদায় সশন্ত বাহিনী দিবস উদ্ঘাপিত**

যথাযথ মর্যাদা ও উৎসাহ উদ্বোধনার মধ্য দিয়ে গতকাল ২১ নভেম্বর সোমবার সশন্ত বাহিনী দিবস উদ্ঘাপিত হয়েছে। দিবসটি উপলক্ষে রাষ্ট্রপতি মো. আব্দুল হামিদ এবং প্রধানমন্ত্রী শেখ হাসিনা মুক্তিযুদ্ধে সশন্ত বাহিনীর শহিদদের প্রতি শ্রদ্ধা জানিয়ে ঢাকা সেনানিবাসের শিখা অনৰ্বাণে পুষ্পস্তবক অর্পণ করেন। মুক্তিযুদ্ধ চলাকালে ১৯৭১ সালের ২১ নভেম্বর সেনা, নৌ ও বিমানবাহিনীর সদস্যরা সম্মিলিতভাবে হানাদার পাকিস্তানি বাহিনীর বিরুদ্ধে সমন্বিত আক্রমনের সূচনা করেন। এরপর থেকে প্রতিবছর ২১ নভেম্বর সশন্ত বাহিনী দিবস হিসেবে উদ্ঘাপিত হচ্ছে। রাষ্ট্রপতি মো. আব্দুল হামিদ সকাল ৮টায় শিখা অনৰ্বাণের বেদিতে পুষ্পস্তবক অর্পণ করেন এবং শহিদদের শৃঙ্খল প্রতি শ্রদ্ধা নিবেদনের জন্য কিছুক্ষণ নিরবে দাঁড়িয়ে থাকেন। এ সময় সেনা, নৌ ও বিমান বাহিনীর একটি চৌকস দল অভিবাদন প্রদান করেন। এরপর শিখা অনৰ্বাণে পুষ্পস্তবক অর্পণ করে কিছুক্ষণ নিরবে দাঁড়িয়ে থেকে শহিদদের প্রতি শ্রদ্ধা জানান প্রধানমন্ত্রী শেখ হাসিনা। সেনা, নৌ ও বিমান বাহিনীর একটি চৌকস দল এ সময় প্রধানমন্ত্রীকে গার্ড অব অনার প্রদান করে। সূত্র-সমকাল (পৃ.৩,ক.৪), বাংলাদেশ টুডে (পৃ.১,ক.১), অবজারভার, ডেইলি সান এ বিষয়ে ছবিসহ খবর ছেপেছে।

৩। **মুক্তিযোদ্ধাদের জন্য সব কিছু করা হবে : প্রধানমন্ত্রী**

মুক্তিযুদ্ধকে বাংলাদেশের ইতিহাসে সর্বশেষ ঘটনা আখ্যায়িত করে প্রধানমন্ত্রী শেখ হাসিনা মুক্তিযোদ্ধা ও তাদের উত্তরাধিকারীদের কল্যাণে প্রয়োজনীয় সবকিছু করতে তার অঙ্গীকার পুনর্ব্যক্ত করেছেন। প্রধানমন্ত্রী শেখ হাসিনা গতকাল ২১ নভেম্বর সোমবার সশন্ত বাহিনী দিবস-২০১৬ উপলক্ষে ঢাকা সেনানিবাসে বীরশ্রেষ্ঠদের উত্তরাধিকার ও খেতাবপ্রাপ্ত মুক্তিযোদ্ধাদের সংবর্ধনায় আয়োজিত অনুষ্ঠানে এ কথা বলেন। সূত্র-সংবাদ (শেষ পৃ.ক.৫), জনকর্ত্ত (পৃ.১,ক.২), বাংলাদেশ টুডে (পৃ.১,ক.১)।

৪। **প্রধানমন্ত্রীকে বিশ্ব স্বাস্থ্য সংস্থার মহাপরিচালকের অভিনন্দন**

ত্রিমূল জনগণের মাঝে স্বাস্থ্যসেবা পৌছে দেওয়ার সাফল্যের জন্য প্রধানমন্ত্রী শেখ হাসিনাকে ব্যক্তিগতভাবে অভিনন্দন ও শুভেচ্ছা জানিয়েছেন বিশ্ব স্বাস্থ্য সংস্থার মহাপরিচালক মার্গারেট চ্যান। গতকাল ২১ নভেম্বর সোমবার চীনের সাংহাইয়ে ‘হেলথ প্রমোশন ইন দ্য এসডিজিস’ বিষয়ক নবম বৈশ্বিক সম্মেলনে অংশগ্রহণকারী প্রতিনিধিদের সম্মানে বিশ্ব স্বাস্থ্য সংস্থা আয়োজিত মধ্যাহ্ন ভোজ সভায় স্বাস্থ্য ও পরিবার কল্যাণমন্ত্রী মোহাম্মদ নাসিমের সঙ্গে একান্ত আলাপকালে তিনি এই অভিনন্দন জানান। সূত্র-ভোরের কাগজ (শেষ পৃ.ক.৫), জনকর্ত্ত (পৃ.৩,ক.৩), এশিয়ান এজ (পৃ.৩,ক.৪)।

৫। **সীমান্তে ৮শ' কিমি সড়ক নির্মাণ করবে সেনাবাহিনী : সড়ক পরিবহণ ও সেতুমন্ত্রী**

সড়ক পরিবহণ ও সেতুমন্ত্রী ওবায়দুল কাদের বলেছেন, পৃথিবীর সব দেশে সীমান্তে সড়ক থাকলেও বাংলাদেশের সীমান্তে সড়ক যোগাযোগ নেই। সেনাবাহিনী আগামী বছর থেকে প্রায় ৮শ' কিলোমিটার সীমান্ত সড়কের কাজ শুরু করবে। নকশা এরই মধ্যে চূড়ান্ত করা হয়েছে। গতকাল ২১ নভেম্বর সোমবার কুমিল্লা সেনানিবাসের এম আর চৌধুরী গ্রাউন্ডে বাংলাদেশ সশন্ত বাহিনী দিবসের অনুষ্ঠানে প্রধান অতিথির বক্তব্যে তিনি এ কথা বলেন। সূত্র-ইত্তেফাক (পৃ.১,ক.৪)।

৬। বিএনপি চেয়ারপারসন খালেদা জিয়ার প্রস্তাবে ৫ প্রশ্ন উত্থাপন তথ্যমন্ত্রীর

নির্বাচন কমিশন গঠন নিয়ে বিএনপি চেয়ারপারসন খালেদা জিয়ার প্রস্তাব অস্বাভাবিক ও অসাংবিধানিক উল্লেখ করে তথ্যমন্ত্রী হাসানুল হক ইন্নু নাকচ করে দিয়েছেন। পাশাপাশি ওই প্রস্তাবের পরিপ্রেক্ষিতে পাঁচটি প্রশ্ন উত্থাপন করে তার জবাব চেয়েছেন তথ্যমন্ত্রী। তবে উত্থাপিত প্রস্তাব নাকচ করলেও তথ্যমন্ত্রী জানান, নতুন করে প্রস্তাব আনলে আলোচনার বিষয়টি ভাবা হবে। গতকাল ২১ নভেম্বর সোমবার তথ্য অধিদফতরের সম্মেলন কক্ষে আয়োজিত এক সংবাদ সম্মেলনে তিনি এসব কথা বলেন। সূত্র-ইত্তেফাক (পৃ.১,ক.৫), ইনকিলাব (শেষ পৃ.,ক.৮) অবজারভার (পৃ.৩,ক.১), এশিয়ান এজ (শেষ পৃ.,ক.৭)।

**৭। ঢাকা থেকে দিল্লি-ব্যাঙ্গালুরু-গৌহাটি ফ্লাইট চালুর ওপর গুরুত্বারোপ
: বিমানমন্ত্রীর সঙ্গে ভারতীয় হাইকমিশনারের বৈঠক**

ঢাকা থেকে দিল্লি-ব্যাঙ্গালুরু-গৌহাটি রুটে দ্রুত ফ্লাইট চালুর ওপর গুরুত্বারোপ করেছেন বেসামরিক বিমান পরিবহণ ও পর্যটনমন্ত্রী রাশেদ খান মেনন এবং বাংলাদেশে নিযুক্ত ভারতের হাইকমিশনার হর্ষবর্ধন শ্রিংলা। গতকাল ২১ নভেম্বর সোমবার সচিবালয়ে মন্ত্রীর কার্যালয়ে দুজনের বৈঠকে তারা এ গুরুত্বারোপ করেন। সূত্র-ইত্তেফাক (পৃ.৩,ক.১)।

৮। নতুন ৯ ব্যাংককে সতর্ক করল বাংলাদেশ ব্যাংক

আগ্রাসী ব্যাংকিং না করতে নতুন ৯ ব্যাংককে সতর্ক করেছে বাংলাদেশ ব্যাংক। একই সঙ্গে অসুস্থ প্রতিযোগিতা বন্ধ করে খেলাপি খণ্ড কমিয়ে আনার তাগিদ দেওয়া হয়েছে। কয়েকটি ব্যাংকে স্বতন্ত্র পরিচালক নিয়োগ দিতেও পরামর্শ দেওয়া হয়েছে। নতুন ব্যাংকগুলোর সর্বশেষ আর্থিক পরিস্থিতি পর্যালোচনায় গতকাল ২১ নভেম্বর সোমবার বাংলাদেশ ব্যাংকে অনুষ্ঠিত এক বৈঠকে বাংলাদেশ ব্যাংকের গভর্নর ফজলে কবির এসব কথা বলেন। সূত্র-যুগান্তর (পৃ.১,ক.১), ইনকিলাব (পৃ.১,ক.৬), নিউ এজ বিজনেস পাতা (পৃ.১,ক.২), ডেইলি স্টার বিজনেস পাতা (পৃ.১,ক.১)।

**৯। টেকসই অর্থনৈতিক প্রবৃদ্ধি এবং দারিদ্র্য বিমোচনে ১ হাজার ৩২১ কোটি টাকার খণ্ড দিচ্ছে এডিবি
বাংলাদেশের টেকসই অর্থনৈতিক প্রবৃদ্ধি এবং দারিদ্র্য বিমোচনে ১ হাজার ৩২১ কোটি টাকার (১৬৭ মিলিয়ন ডলার) খণ্ড অনুমোদন দিয়েছে এশীয় উন্নয়ন ব্যাংক (এডিবি)। এশিয়ান ইনফ্রাস্ট্রাকচার ইনভেস্টমেন্ট ব্যাংকের সঙ্গে একটি যৌথ অর্থায়ন প্রকল্পের আওতায় দ্বিতীয় বারের মতো এ খণ্ড পাছে বাংলাদেশ। গতকাল ২১ নভেম্বর এডিবির ঢাকা কার্যালয়ের মুখ্যপাত্র গোবিন্দ বার এ তথ্য জানিয়েছেন। সূত্র-সংবাদ (শেষ পৃ.,ক.৩), জনকর্ষ (পৃ.১৮,ক.৮), বাংলাদেশ টুডে (পৃ.১,ক.৬), নিউ এজ বিজনেস পাতা (পৃ.১,ক.৬)।**

১০। শুক্র-শনিবারও আয়কর রিটার্ন জমা দেওয়া যাবে

: ৩০ নভেম্বর ব্যক্তিশেণি আয়কর রিটার্ন জমার শেষ সময়

আজ থেকে বিরতিহীনভাবে আয়কর অফিসগুলোতে আয়কর বিবরণী (রিটার্ন) জমা দেওয়া যাবে। এজন্য সংশ্লিষ্ট কর অফিসগুলোতে নির্দেশনা দিয়েছে জাতীয় রাজস্ব বোর্ড। এজন্য আয়কর বিবরণী (রিটার্ন) জমা নিতে নভেম্বর মাসে ছুটির দিনেও খোলা থাকবে বাংলাদেশের কর অফিসগুলো। প্রতিদিন সকাল ৯টা থেকে রাত ৮টার মধ্যে ৩০ নভেম্বর পর্যন্ত আয়কর বিবরণী জমা নেওয়া হবে। এনবিআরের জ্যোষ্ঠ তথ্য কর্মকর্তা সৈয়দ এ. মুমেন গতকাল ২১ নভেম্বর সোমবার এসব তথ্য জানিয়েছেন। সূত্র-সংবাদ (শেষ পৃ.,ক.৪), সমকাল (পৃ.২,ক.৫), ইভিপেনডেন্ট (পৃ.২,ক.১), ডেইলি স্টার (পৃ.২,ক.৮)।

সম্পাদকীয়

- ক. **ইত্তেফাক :** দেশের প্রায় এক হাজার প্রতিষ্ঠানের ১৪০টি দেশে ৯০ ধরনের কৃষি প্রক্রিয়াজাত খাদ্যপণ্য রঞ্জনির বিষয় তুলে ধরে এসব খাতে সরকারের প্রগোদ্ধনা অব্যাহত থাকার প্রত্যাশা ।
- খ. **সংবাদ, যুগান্তর, ইনকিলাব, ভোরের কাগজ :** পুলিশের বিরুদ্ধে ছিনতাই, নাগরিক অপহরণ ও হত্যার গুরুতর অভিযোগের আইনি বিহিত করার সুপারিশ ।
- গ. **জনকর্ত, প্রথম আলো :** নতুন করে রোহিঙ্গা শরণার্থীর বোৱা বহন করা জনবহুল বাংলাদেশের পক্ষে অসম্ভব হয়ে পড়ায় ইউএনএইচসিআরসহ আন্তর্জাতিক সংস্থাগুলোকে মিয়ানমারের ওপর চাপ সৃষ্টি করে রোহিঙ্গাদের ওপর নির্যাতন বন্ধের ব্যবস্থা করার আহ্বান ।
- ঘ. **সমকাল :** সরকারি কেনাকাটায় অনিয়ম দুর্নীতির মাত্রা সীমিত রাখতে কেনাকাটায় স্বচ্ছতা ও জবাবদিহিতা নিশ্চিত করার ওপর গুরুত্বপূর্ণ ।
- ঙ. **যুগান্তর :** আসন্ন নারায়ণগঞ্জ সিটি করপোরেশন নির্বাচন বর্তমান নির্বাচন কমিশনের শেষ নির্বাচনী দায়িত্ব হওয়ায় এ দায়িত্ব সঠিকভাবে পালনে নির্বাচন কমিশনের প্রতি আহ্বান ।
- চ. **ইভিপেনডেন্ট :** দেশে শতভাগ সাক্ষরতার হার এখনো অর্জিত না হওয়ায় প্রধানমন্ত্রীর হতাশার কথা উল্লেখ করে এ সমস্যার পেছনে কারণগুলো খতিয়ে দেখে দৃঢ় সংকল্পের সঙ্গে সেগুলো মোকাবিলা করতে এবং নিরক্ষরদের স্কুলে যেতে উৎসাহিত করতে যথাযথ কর্তৃপক্ষের হস্তক্ষেপ কামনা
- ছ. **ডেইলি স্টার :** বালকাঠির রাজাপুর উপজেলায় একজন প্রবীণ মুক্তিযোদ্ধাকে নৃশংসভাবে পিটিয়ে হত্যার ঘটনার সঙ্গে জড়িত দোষীদের খুঁজে বের করে আইনের আওতায় আনার জন্য সরকারের পদক্ষেপ কামনা এবং তাঁর প্রতিষ্ঠিত অবৈতনিক শিক্ষা প্রতিষ্ঠানে অধ্যয়নরত শিশুদের শিক্ষার ব্যবস্থা নিশ্চিত করতে যথাযথ কর্তৃপক্ষকে আহ্বান
- জ. **যায় যায় দিন, ফিনানশিয়াল এক্সপ্রেস :** বাংলাদেশের তথ্য প্রযুক্তি খাতের রঞ্জনি বাণিজ্যে আউটসোর্সিং উল্লেখযোগ্য ভূমিকা রাখতে পারে উল্লেখ করে সরকার এ খাতের উন্নয়নে পরিকল্পনা গ্রহণ করবে বলে আশাবাদ ব্যক্ত

উপ-সম্পাদকীয়

ইত্তেফাক পত্রিকায় প্রকাশিত কলামে সাম্প্রদায়িকতাকে আশ্রয় দিয়ে বা তার প্রতি নমনীয়তার পথ গ্রহণ করে গণতন্ত্র প্রতিষ্ঠা করা যায় না বলে উল্লেখ করা হয়েছে

নিবন্ধ ও ফিচার

জনকর্ত পত্রিকায় প্রকাশিত ‘সশন্ত বাহিনী দিবসের অবদান ও অঙ্গীকার’ শিরোনামের নিবন্ধে মুহাম্মদ ফারুক খান গণতান্ত্রিক এবং নিয়মতান্ত্রিক নেতৃত্বের প্রতি অনুগত ও শ্রদ্ধাশীল থেকে পেশাগত দক্ষতা ও দেশপ্রেমের সমষ্টি এবং দেশের সশন্ত বাহিনী তার অগ্রযাত্রা অব্যাহত রাখতে তৎপর থাকবে বলে প্রত্যাশা ব্যক্ত করেছেন

#

ডালিয়া/ফাহিমা/মরজিনা/রশীদ/তানিয়া/২০১৬/৯.০০ ঘন্টা

